



Broj: 0101- 3902 /23  
Sarajevo, 07.09.2023. godine

Na osnovu člana 31. stav (3) i stav (4), člana 69. Zakona o visokom obrazovanju ("Službene novine Kantona Sarajevo" broj: 36/22) i člana 111. Statuta Univerziteta u Sarajevu (01-14-35-1/23 od 26. 07. 2023. godine), a u skladu sa Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu ("Službene novine Kantona Sarajevo" broj: 19/09, 31/12, 36/12, 4/15, 15/15, 16/18, 21/18 i 25/21), Vijeće Fakulteta na 11. (jedanaestoj) redovnoj sjednici održanoj dana 07.09.2023. godine donosi

## **ODLUKU**

### **o oslobađanju participacije u troškovima studija za školsku 2023/2024. godinu određenih kategorija studenata**

#### **I**

Studenti iz kategorije djece šehida i poginulih boraca, djece ratnih vojnih invalida, djece dobitnika ratnih priznanja i odlikovanja, kao i djece bez oba roditelja, a koji imaju prijavljeno prebivalište u i izvan Kantona Sarajevo, a pripadaju navedenim kategorijama, i studij su upisali prije stupanja na snagu Zakona o visokom obrazovanju (broj: 36/22 od 08.09.2022. godine) oslobođeni su plaćanja upisnine i školarine, odnosno troškovi studija ostaju kao i prethodne godine.

#### **II**

Sve kategorije su obavezne dostaviti odgovarajuću dokumentaciju – potvrdu o statusu ne stariju od šest mjeseci Službi za nastavu i studentska pitanja izdatu i ovjerenu od nadležnog organa, odnosno institucije.

#### **III**

Lica iz člana 2. ove Odluke su obavezna izmiriti preostale obaveze navedene u odluci Vijeća Fakulteta o visini participacije, cijena usluga, upisnina i drugih troškova studija Univerziteta u Sarajevu-Farmaceutskog fakulteta.

#### **IV**

Lice sa utvrđenim stoprocentnim invaliditetom ima pravo upisati se na javnu visokoškolsku ustanovu u statusu studenta oslobođenog od plaćanja školarine, bez mogućnosti da ovaj status izgubi, na bilo kojem studijskom program svih ciklusa studija pod uslovom da je:

- a) položilo prijemni ispit;
- b) sposobno obavljati praktične zadatke u nastavi
- c) steklo pravo upisa na odgovarajući ciklus studija i
- d) dostavilo dokaz nadležne institucije o statusu lica sa invaliditetom i procentu invaliditeta.




V

Odluka stupa na snagu danom donošenja.

**O b r a z l o ž e n j e**

Vijeće Fakulteta je na 11. (jednaestoj) redovnoj sjednici održanoj dana 07.09.2023. godine razmatralo prijedlog odluke o oslobađanju participacije u troškovima studija za školsku 2023/2024. godinu određenih kategorija studenata Univerziteta u Sarajevu-Farmaceutskog fakulteta izuzev studenata koji prvi put upisuju prvu godinu studija, a u skladu sa članom 31. stav (3) i (4) Zakona o visokom obrazovanju Kantona Sarajevo ("Službene novine Kantona Sarajevo" broj: 36/22).

Članom 69. stav 1., tačka a.) Zakona o visokom obrazovanju Kantona Sarajevo ("Službene novine Kantona Sarajevo" broj: 36/22) propisana je nadležnost Vijeća da donosi odluke o svim akademskim, nastavnim, naučnim, umjetničkim i stručnim pitanjima u okviru svoje nadležnosti. U skladu sa navedenim, odlučeno je kao u dispozitivu.

Akt odobrio: Prodekan za nastavu i studentska pitanja: 

Sekretar Univerziteta u Sarajevu - Farmaceutskog fakulteta potvrđuje da je prijedlog Odluke u skladu sa zakonskim i podzakonskim propisima na snazi, te da je Vijeće Univerziteta u Sarajevu - Farmaceutskog fakulteta nadležno za donošenje iste shodno članu 69. Zakona o visokom obrazovanju ("Službene novine Kantona Sarajevo", broj: 36/22)



**DEKAN**

**Prof. dr. Fahir Bečić**



**Dostaviti:**

- Službi za nastavu i studentska pitanja
- Službi za finansije i računovostvo
- Web stranica Univerziteta u Sarajevu-Farmaceutskog fakulteta
- Dosije Vijeća Fakulteta
- a/a

